



Universitätsbibliothek Paderborn

Antidota Evangelica Contra Horvm Temporvm Hæreses

In Qvibvs Quatuor Euangeliorum illi textus explicantur, quibus vel hæretici
hodie (maximè Caluinus & Beza) ad sua dogmata propugnanda vti solent,
vel ad hæreticorum dogmata impugnanda Catholici vti possunt

Stapleton, Thomas

Lvgdvni, 1595

17. Tu quum ieunias, vnge caput tuum, & faciem laua.

urn:nbn:de:hbz:466:1-39463

17. Tu quum ieunias, vngē caput tuum,
& faciem laua.

Ieiunium hoc loco à Christo ab hypocrisi reuocatum, mīrabili metamorphosi, ad victus moderationem à lauitiis & deliciis reuocatam transfert. Caluinus. Sic enim in hæc verba scribit. Non iubet Christus simulare lauitias, nec indulget delicias in unguentis & vestitu, sed simpliciter nos hortatur ad tenendam moderationem, in qua nihil sit vel nouum vel affectatum: ac si diceret ita ieunijs vacandum esse, ut in consueta vita ratione nihil mutemus. Hæc ille. Ieiunium definit, victum moderatum & consuetam vitæ rationem tenere, nihil in ea mutando. Quod autem iubet Christus, faciem ungere, & caput lauare, hoc nec ad victum nec ad vestitū pertinet, vt somniat Caluinus, sed tantum ad externum corporis cultum, in quo nihil mutare nos Christus vult. Ieiunium autem nisi nihil nisi moderationem victus significat, vt Caluinus ceterique hodie hæretici volunt, ergo Apostoli & discipuli Christi moderationem victus non tenebant, quia Christum sequentes non ieunabant sicut discipuli Ioannis frequenter. Ergo & Paulus quum inter careras tribulationes & exercitia dicit, In ieunijs multis, intelligendum est dixisse: Multoties moderatum victum tenui, alias verò & frequentius in lauitiis & deliciis vitā egi. Ergo Prophetæ & Doctores illi Antiocheni, qui ieunantes & orantes imposuerū manus Paulo & Barnabe, intelligendi sunt tunc quidem moderationē victus tenuisse, & de consueta vitæ ratione nihil mutasse, alias verò lauitiis & deliciis ac genio induluisse. Sed nihil est Caluiniana doctrina aut absurdius aut impudentius. Vide plura in Prompt. Catholicī parte Quadragesimali, in feria 4. Cinerum.

18. Pater tuus qui videt in abscondito, reddet tibi.

Hec etiam Christi verba arrodit Caluinus. Sic enim scribit. Quod ieunijs mercédem à Deo promittit Christus, impropria locutio est, ut supra de precibus dictum est. Ieiunium enim per se opus medium est, non autem ex eorum genere quæ Deus requirit & probat, ut sunt eleemosyna. Hæc ille. Scilicet quæ hæreticorum placitis in Scriptura repugnant, impropriè dicuntur. Sed quum Christus eisdem verbis ieunio mercédem promitterat, quibus antea precibus promiserat; manifestū est non minus propriè hoc loco Christum loquutum esse quam

Ieiunium
opus Dō
gratuum.